

1235, octubre, 18

L'abadessa de Sant Daniel, Agnès, estableix a Arnau de Canet un molí situat <a Canet d'Adri>, a la riera de Tornavells, a cens d'una mitgera. de blat, per 100 sous d'entrada.

ASD núm. 110, perg. orig., 87 x 220 mm, carta partida.

Sit notum cunctis quod ego Agnes, Dei gratia abbatissa Sancti Danielis, consilio et uoluntate tocius conuentus eiusdem laci, donamus et stabilimus tibi Arnallo de Caneto, baiulo nostra et tuis perpetuo illud molendinum quem habemus cum Deuslofed de Comba in rieria de Tornaueillis, ita ut habeas et teneas dictum molendinum cum exitibus et ingressibus et pertinenciis et tenedonibus et cum omnibus iuribus suis, sicut nos illum melius habemus et tenemus et habere debemus, et ut melius dici uel intelligi potest ad tuam uoluntatem et tuorum, et quod tu et tui dones nobis et monasterio nostra annuatim pro censu unam migreriam blati in festa Sancti Felicis, et conuenimus tibi et tuis dictum molendinum facere habere et tenere in pace et quod simus tibi et tuis deffensores et guarentes contra cunctam uiuentem personam, et ad hoc faciendum obligamus omnia bona mobilia et immoblia dicto monasterio quoquo modo ubique pertinencia, et propter hac donum siue stabilimentum recognoscimus a te recepisse, renunciando excepcioni non numerate peccunie, centum solidos barchinonenses, ualente marcha argenti .LXXXVIII. solidos, et quod tu et tui teneatis dictum molendinum condirectum.

Actum est hac .XV. kalendas nouembris anno Domini .MCCXXX. quinto.

+Agnes, gratia Dei abbatissa*. Sig+num Petri Zaquerii. Sig+num Arnalli Criueler. Sig+num Elicsendis de Riuopirarum, sig+num Bernarde de Sancto Stephano, monialium.

(s. man) Raimundus de Caciano, qui hoc scripsit mandato Bernardi de Uicco, notarii publici Gerunde. Ego Bernardus de Uicco, publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 232-233